

**BETWEEN: ELTON RANBEL**  
Claimant

**AND: KEN LUKE  
FRANKLYN RANBEL  
JOHN STEVEN YASINMAL  
BOBBY YASINMAL**  
Defendant

### **Court Judgment**

Issue bifo long Kot emi whether ol defendant ia oli shud karem ol property blong Jason or Elton nomo from emi tru blad blong Jason?

#### **Findings blong Kot**

Kot inote se generation blong Simon oli planem coconas. Blad laen ia ilaef istap tedei long Josen, Jack mo Edward. Kot inote tu se Jack ino disputem plantation neither Edward, be Josen nao igat dispute from olgeta 3 adoption (olgeta defendants antap) we ikam in long nuclear famili blong em. Kot inote tu se igat adoption insaed family blong mainten relationship between owner blong graon mo generation blong Simon. Plantation we simon iplanem idivide long tri pat. Igat pat we emi blong Josen wetem ol pikinini blong em, igat wan pat blong Jack wetem ol pikinini blong em mo ikat wan nara pat we iblong Edward.

Kot inote se pat we ikat dispute long em emia nao we iblong Josen. Ol defendant emi ol pikinini tu we Josen iadoptem, nao Elton istap talem se adoption ino gat raet long ol coconas ia. Long custom adoption isave karem raet nomo afta we stret laen blad ino mo gat o oli ded evri wan.

#### **Wetem ol findings ia Kot istap rule se;**

Ol Plantation olsem we Simon iserem istill stap olsem we istap mining trifala boy blong Simon, blad blong Jason, Jack mo Edward oli each responsible long coconas blong ol.


Long dispute insaed long coconas we iblong Josen we laef blad blong em ikam long Elton, sapos eni wan long ol adoptions ya; Ken Luke, Franklyn Ranbel, John Steven Yasinmal mo Bobby Yasinmal igat nid mo wantem cuttem copra long plantation wetem respect emi mas askem laef blad blong Josen we emi Elton wetem ol pikinini blong em.

Eni parties we ino glad long decision igat 30 deis blong mekem appeal blong em.




Dated at Lakatoro this 7<sup>th</sup> day of July, 2011


Before;



Jastis Philip Daley



Jastis Evelyn Seth



Jastis Shema Tasvaille

